

*Et concepit: & peperit ei filium. Et dixit Dominus ad eum: Voca nomen eius Iezrahel.* Tria dicit, scilicet, fornicariam peperisse: & masculum fuisse quem peperit: & vocatum Iezrahelē. Ita profectō. Nam populus tertij temporis à Synagoga Idolorum cultrice, quæ fuerat tempore secundo, genitus est. & is populus masculus dicitur. quia suam adhuc libertatem, & dignitatem seruabat: necdumque alienis regibus subiectus, tributa illis pendebat. Denique Iezrahelis nomē accepit. Cuius causa prior est: quia accepit nomen ab vrbe Iezrahel, quæ in imperio Israelitico erat post Samariam (quæ caput erat imperij) illustrissima. Erat enim in ea Regum admiranda structa palatia: & ei adiacebat (inquit Hieronymus) amœnissima

Hieron.

vallis. Posteriorem causam subdit Oseas, *Quoniam adhuc modicum, et visitabo sanguinem Iezrahel, super domum Iehu.* Quia in fine temporis secundi, Achab rex Israel, irritauit Deum super omnes Reges, qui eum præcesserant, excitauit Dominus Iehu principem, contra Achab. Interfecit ergo Iehu Ioram filium Achab: neque eum

3. Re. 16.

4. Re. 9.

solum, sed etiam, 70. filios Achab, & vniuersos optimates, & notos eius, & Sacerdotes, & (quantum ex hoc Oseæ textu colligitur) multum in Iezrahel innocentem sanguinem effudit. Hanc adeò trucem Iezrahelis lanienam Dominus non ferens, prænūtiat nunc per Oseam, fore, vt citò sumatur vltio de domo Iehu. ¶ Igitur Po-